

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-11035/23
Sarajevo, 16.6.2023. godine

Na osnovu člana 64. stav (1) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine, a na preporuku Komisije za javnu nabavku radova, Općinski načelnik donosi:

ODLUKU

I

Okvirni sporazum u postupku javne nabavke -Izvođenje radova na izgradnji spoja u ulicama Senada Čolića i Numan paše Čuprilića, broj obavještenja 422-1-3-112-3-103/23, objavljeno na Portalu javnih nabavki dana 10.5.2023. godine i “Službenom glasniku BiH- Oglasnik javne nabavke” br.33/23 od 12.5.2023. godine, dodjeljuje se ponuđaču „Grakop“ d.o.o. Kiseljak sa ponudenom cijenom u iznosu od 426.824,00 KM bez PDV-a, odnosno 499.384,08 KM sa PDV-om.

II

Zadužuje se Služba za zajedničke poslove da da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz tačke I ove Odluke da dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost, kao i dokumentaciju iz tačke 5.8. tenderske dokumentacije. Dokazi koje će dostaviti odabrani ponuđač moraju biti originalni ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-11035/23 od 08.5.2023.godine Općina Novi Grad Sarajevo pokrenula je otvoreni postupak javne nabavke -Izvođenje radova na izgradnji spoja u ulicama Senada Čolića i Numan paše Čuprilića, broj obavještenja 422-1-3-112-3-103/23, objavljeno na Portalu javnih nabavki dana 10.5.2023. godine i “Službenom glasniku BiH- Oglasnik javne nabavke” br.33/23 od 12.5.2023. godine.

Zapisnikom o otvaranju ponuda od 31.5.2023. godine Komisija je konstatovala da su u predviđenom roku, u propisno upakovanim kovertama, pristigle tri (3) ponude ponuđača:

1. „MGBH“ d.o.o. Sarajevo, 2. “Mušibegović gradnja” d.o.o. Visoko i 3. “Grakop” d.o.o. Kiseljak.

Nadalje, Komisija je pristupila analizi i ocjeni ponuda u skladu sa uslovima iz tenderske dokumentacije. Komisija je utvrdila da ponuda ponuđača „Mušibegović gradnja“ d.o.o. Visoko ne ispunjava kvalifikacioni uslov tražen u tenderskoj dokumentaciji iz tačke 3.4.1. (d) *tehnička i profesionalna sposobnost - da je ponuđač opremljen neophodnom opremom za obavljanje predmetnih*

radova: prevozno sredstvo (kipper kamion) nosivosti do 10 tona – 2 kom., prevozno sredstvo (kipper kamion) nosivosti preko 10 tona – 2 kom., utovarivač – 1 kom., kombinovani radni stroj (utovarivač-rovokopač) – 1 kom., gejder – 1 kom., bager – rovokopač do 8 tona – 1 kom., bager – rovokopač 12-20 tona – 1 kom., valjak do 2 tone – 2 kom., valjak 2-6 tona – 1 kom., finišer – 1 kom., freza za asfalt i beton – 1 kom., vibro ploča mase 150-200 kg – 1 kom., vibro nabijač-skakavac – 1 kom.

Tačkom 3.4.2. (e) propisano je da se navedeno dokazuje na sljedeći način: kao dokaz o obezbijedenosti opreme dostavlja se izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme, za kamione se dostavljaju važeće saobraćajne dozvole, (original ili ovjerena kopija), a za radne mašine važeća saobraćajna ili upotrebna dozvola (original ili ovjerena kopija). Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje (original ili ovjerena kopija).

Uvidom u dostavljenu ponudu ponuđača „Mušibegović gradnja“ d.o.o. Visoko konstatovano je da je:

- na stranici 175. ponuđač je za bager rovokopač do 8 tona dostavio upotrebnu dozvolu broj 164-05/23-XII, ali upotrebna dozvola nema evidencije o težini bagera, a ponuđač nije dostavio zapisnik sa vidljivim karakteristikama kako je traženo tenderskom dokumentacijom;
- za bager rovokopač – gusjeničar 12 – 20 tona – 1 kom ponuđač je dostavio upotrebnu dozvolu broj 17 – UD- 0212 -04/21 na stranici br. 187., ali ista ne sadrže evidenciju o težini koja je tražena tenderskom dokumentacijom,
- za valjak do 2 t – 2 kom ponuđač dostavio upotrebnu dozvolu i ugovor o najmu za jedan valjak gdje su evidentirane tražene karakteristike. Za drugi valjak dostavljena ovjerena kopija upotrebne dozvole (Strane 197-203) sa zapisnikom gdje nije evidentirana tražena karakteristika težine mašine;
- na stranici br. 207. ponude dostavljena upotrebna dozvola za vibracioni valjak, ali ista ne sadrži evidenciju o težini koja je tražena tenderskom dokumentacijom, a ponuđač nije dostavio zapisnik iz kojeg su vidljive karakteristike kako je to traženo tenderskom dokumentacijom.

Iz naprijed navedenog razloga utvrđeno je da ponuđač „Mušibegović gradnja“ d.o.o. Visoko ne ispunjava uslove tražene u tenderskoj dokumentaciji iz tačke 3.4.1. (d) – tehnička i profesionalna sposobnost, odnosno da je ponuda neprihvatljiva, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je nadalje utvrdila da dostavljene ponude ponuđača „Grakop“ d.o.o. Kiseljak i „MGBH“ d.o.o. Sarajevo ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponuda te utvrdila da su dostavljene ponude računski ispravne.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. “Grakop” d.o.o. Kiseljak sa ponuđenom cijenom za okvirni sporazum u iznosu od 426.824,00 KM bez PDV-a, 2. “MGBH” d.o.o. Sarajevo sa ponuđenom cijenom za okvirni sporazum u iznosu od 427.226,80 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 14.6.2023. godine sa početkom u 10:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-112/23 od 15.6.2023.godine, Komisija je utvrdila da nije bilo podnošenja ponuda te da konačna rang lista izgleda kako slijedi:

1. “Grakop” d.o.o. Kiseljak sa ponuđenom cijenom za okvirni sporazum u iznosu od 426.824,00 KM bez PDV-a,
2. “MGBH” d.o.o. Sarajevo sa ponuđenom cijenom za okvirni sporazum u iznosu od 427.226,80 KM bez PDV-a.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bežagić, sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova



Općinski načelnik

mr. Semir Efendić